

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 55. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 131. sjednici, održanoj 05.06.2026. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2026. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) za budžetskog korisnika iz nadležnosti Ministarstva za obrazovanje, nauku, kulturu i sport – JU MSŠ „Mehmedalija Mak Dizdar“ Breza.

(2) Uvećanje sredstava u Budžetu Zeničko-dobojskog kantona za 2026. godinu, vrši se na sljedeći način:

- a) na razdjelu 22, budžetska organizacija 03, potrošačka jedinica 0001 – JU MSŠ „Mehmedalija Mak Dizdar“ Breza, sredstva na poziciji 613500 – Izdaci za usluge prevoza i goriva, Izdaci iz donacija - izvor 40, uvećavaju se za 1.000,00 KM;
- b) na razdjelu 22, budžetska organizacija 03, potrošačka jedinica 0001 – JU MSŠ „Mehmedalija Mak Dizdar“ Breza, sredstva na poziciji 613700 – Izdaci za tekuće održavanje, Izdaci iz donacija - izvor 40, uvećavaju se za 5.000,00 KM;
- c) na razdjelu 22, budžetska organizacija 03, potrošačka jedinica 0001 – JU MSŠ „Mehmedalija Mak Dizdar“ Breza, sredstva na poziciji 613900 (MCC 902) – Ostale ugovorene usluge, Izdaci iz donacija - izvor 40, uvećavaju se za 2.000,00 KM;
- d) na razdjelu 22, budžetska organizacija 03, potrošačka jedinica 0001 – JU MSŠ „Mehmedalija Mak Dizdar“ Breza, sredstva na poziciji 821300 – Nabavka opreme, Izdaci iz donacija - izvor 40, uvećavaju se za 2.000,00 KM;
- e) u Budžetu Zeničko-dobojskog kantona za 2026. godinu u dijelu A. PRIHODI u koloni Plan budžeta za 2026. godinu – sredstva na poziciji 732116 – Primljeni tekući transferi od općina, uvećavaju se za 10.000,00 KM.

Član 2.

(Namjena korištenja sredstava i izvještavanje)

(1) Odobrena sredstva od strane donatora Općina Breza škola će utrošiti za osposobljavanje sistema grijanja u radioničkom prostoru i renoviranje (krećenje) unutrašnjih zidova fiskulturne sale škole, za usluge prijevoza za realizaciju stručnih posjeta učenika, za ostale ugovorene usluge koje se odnose na plaćanje izrade audita za radionički prostor škole i nabavku kompjutera za poboljšanje nastavnog procesa.

(2) Škola je dužna sačiniti izvještaj o namjenskom utrošku sredstava i isti dostaviti resornom ministarstvu najkasnije 7 (sedam) dana nakon utroška sredstava.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-11411/26

Datum, 05.06.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.